

ՀԱՅՈՑ ՑԵՂԱՍՊԱՆՈՒԹՅԱՆ ՈՐՈՇԻՉ ԴՐՊԱՊԱՏՏԱՆՆԵՐԸ
ԸՍՏ ՎԱՅՎԱՆ ՏԱՏՐՅԱՆԻ

Ի տարբերություն ցեղասպանության վերաբերյալ ներկայումս գոյություն ունեցող բազմազան տեսակետների, ամերիկահայ պատմաբան Վահագն Տատրյանը «Հայոց ցեղասպանության որոշիչ դրդապատճառները»¹ փոքրածավալ աշխատության մեջ առաջադրում է մի տեսակետ, որն օգտակար է ոչ միայն Հայոց, այլև ցեղասպանության մի շարք այլ դեպքերի լուսաբանման համար: Իր մեկնակետի հիմքում դնելով ցեղասպանության առաջացման պայմանները՝ նա առաջ է քաշում չորս որոշիչ դրդապատճառ. 1. երկարատև կոնֆլիկտի գոյություն, 2. ուժային անհամաչափ հարաբերություններ, 3. հնարավորության մեխանիզմ, 4. կոնֆլիկտը կազմակերպված և համատարած բռնություններով լուծելու արմատական փորձ (էջ 1-2):

Հայոց ցեղասպանության ուսումնասիրության հիմքում ընկած են այն հավաստի աղբյուրները, որոնք լույս են սփռում Հայոց մեծ սպանգի մութ էջերի վրա: Դրանցից ամենասակավը (սակավը, որովհետև գրանք սխտեմատիկաբար ոչնչացվել են), բայց հավաստին, թուրքականն է: Թուրքերի կողմից Հայոց ցեղասպանության ժխտմանը հակազդելու համար Վ. Տատրյանը շեշտը գնում է փաստերի անվիճարկելիության վրա, որոնք նա որակում է չորս կարևոր բաղադրատարրով: Դրանք են՝ 1. արժանահավատություն, 2. ճշգրտություն, 3. անհերքելիություն, 4. ստուգման ենթակա լինելու հնարավորություն: Անտանտի պետությունների՝ Անգլիայի, Ֆրանսիայի և Իտալիայի արխիվային նյութերը համարելով այս բաղադրատարրերի որոշ կողմերին անհամապատասխան, մասամբ դրանք որակելով որպես քարոզչական, և Հայ վերապրածների հազորագրությունները բնութագրելով զոհ լինելու տեսանկյունից կասկածելի, ընդունելով մեթոդաբանական այս ծայրահեղությունը, բայց հավաստի տեսություն ստեղծելու անհրաժեշտությունը Տատրյանը սահմանում է երեք կատեգորիա: Առաջին. պատահականորեն և սակավորեն պահպանված թուրքական պաշտոնական փաստաթղթեր: Դրանց մեծ մասն օգտագործվել է թուրքական ռազմական դատարանի կողմից Հայերի դեմ «բռնագաղթի և կոտորածների» հետ կապված ու համարվում է իրավաբանորեն անհերքելի և անառարկելի: Թուրքական պաշտոնական փաստաթղթերի երկրորդ խումբն ընդգրկում է թուրքական խորհրդարանի ստորին և վերին պալատներում Հայոց «բռնագաղթի և կոտորածների» հարցի վերաբերյալ կայացած քննարկումները, որոնք համընկան Առաջին համաշխարհային պատերազմի ավարտին: Փաստաթղթերի անհերքելիության տեսանկյունից ուշագրավ են ստորին պալատի Հինգերորդ կոմիտեի հետաքննչական հանձնաժողովի բացահայտումները (էջ 2-3): Ապացույցների հաջորդ երրորդ խմբին են վերաբերում Թուրքիայի դաշնակիցներ Գերմանիայի և Ավստրո-Հունգարիայի արխիվներում պահվող նյութերը: Պետք է գերազանհատել դրանց արժեքը, քանզի դրանք մեծ մասամբ լեցուն են թուրքական պաշտոնական այն կեղծ հորջորջանքով, թե իբր հայերի նկատմամբ կիրառված «միջոցառումները» կազմակերպված էին լոկ վերջիններիս հրահրած ապս-

1 V a h a k n N. D a d r i a n. The Determinants of the Armenian Genocide, Yale Center for International and Area Studies, Working Paper GS 02, 1998, 28 p. (այսուհետև հղումները տե՛ս տեքստում).

տամբուլթյան, լրտեսության և դավաճանական գործողությունների դեմ: Թուրքիայի դաշնակից պետությունների Հաղորդագրությունները, որոնք կրում էին «գաղտնի» կամ «գերգաղտնի» դրոշմը, ի սկզբանե ենթակա էին հրապարակման, բայց, իրենց մեջ պարունակող սահմուկեցուցիչ մանրամասնություններից ելնելով, անգլիացի պատմաբան Առնոլդ Թոյնբրի կողմից բնութագրվեցին որպես «Հսկայածավալ Հանցագործություն»: Հրապարակման ենթակա չլինելու փաստը այդ նյութերին Հաղորդում է ինչպես վստահելի, այնպես էլ անհերքելի ապացույց լինելու հատկություն:

Մեթոդաբանական Հուսալիություն ամենաբարձր չափանիշը բխում է թուրքական անհերքելի և նրա դաշնակիցների վստահելի փաստագրական նյութից: Այս փաստաթղթերի արժանահավատությունը, ճշգրտությունը, անհերքելիությունը և ստուգման ենթակա լինելը հեղինակի կարծիքով այն կարևորագույն գեներն է, որը կարող է Հակազդել ոչ միայն Հայոց ցեղասպանության թուրքական ժխտման ամբողջ Համակարգին, այլ նաև զրկել իրավական ուժից: Փաստագրական այս հարուստ նյութի հիման վրա էլ Վ. Տատրյանը ներկայացնում է Հայոց ցեղասպանության իրականացման որոշիչ դրդապատճառների սկզբունքային ելակետերը (էջ 4-5):

Առաջին դրդապատճառ Համարելով կանխամտածվածությունը, Վ. Տատրյանը հակադրվում է այն բոլոր պնդումներին, որ, իբր, Հայերի դեմ ձեռնարկված «միջոցառումները» պատերազմական ժամանակաշրջանի ճգնաժամի և ծայրահեղությունների արդյունք են և զրանք պետք է քննարկել այդ Հանգամանքների Համատեքստում (էջ 5): Թուրքական և գերմանական փաստաթղթերը անհերքելիորեն ապացուցում են Հայոց ցեղասպանության կանխամտածված լինելու բոլոր պայմանական մանրամասները: Թուրքական ռազմական դատարանի գլխավոր մեղադրական ակտում բժ. Նազրմը բնութագրվում է որպես մարգ, որը դեներալ-նահանգապետներին ուղարկած իր գաղտնի Հրահանգներում հակահայկական միջոցառումները մեկնաբանել է որպես «կանխապես դրդված՝ երկարատև և խոր կշռադատություններով»: Բայբուրդի, Յոզղաթի, Տրապիզոնի և Երզնկայի դատական գործընթացների ժամանակ Հանցագործությունները Համարվեցին «կանխամտածված» հիմք ընդունելով օսմանյան քրեական օրենսգրքի 170-րդ հոդվածը, որը կանխամտածված սպանության Համար նախատեսում է մահապատիժ: Կանխամտածվածության խնդիրը լուսաբանվել է նաև Թուրքիայում ԱՄՆ-ի դեսպան Հենրի Մորգենթաուի օրագրում: Ահա թե ինչ է գրում նա 1915 թ. օգոստոսի 3-ին մեծքերելով Թալեաթի Հետեյալ խոսքը. «Միություն և առաջադիմություն» կոմիտեն Հանգամանալից քննարկել է խնդիրը իր բոլոր մանրամասնություններով... և այն քաղաքականությունը, որ իրենք հետապնդում են, այն է, ինչը պաշտոնապես ստեղծվել է... որպես երկարատև և մանրազնին դատողությունների արդյունք» (էջ 6-7):

Հայոց ցեղասպանության իրականացումը պայմանավորող Հաջորդ որոշիչ դրդապատճառը մտադրությունն է: Այստեղ կանխամտածվածություն և մտադրության գործոնները հանդես եկան փոխկապակցված և միահնչուսված: Ցեղասպանություն իրականացնելու մտադրությունը ապացուցում են և՛ թուրքական, և՛ գերմանական փաստաթղթերը: Յոզղաթի ռազմական դատարանը նույնպես Հաստատեց այն՝ իր գլխավոր մեղադրական ակտում մեծքերելով բժ. Նազրմի այն միտքը, թե Հակահայկական «միջոցառումները» նպատակադրված էին «լուծելու արևելյան (այսինքն՝ Հայկական) հարցը» (էջ 7): Ցեղասպանության իրականացման մտադրածություն և կանխամտածվածության փաստերն անհերքելիորեն և ճշգրիտ հիմնավորեց 1916 թ. թուրքական 3-րդ բանակի Հրամանատար Մեհմեդ Վեհիբը: Նրան նախորդած Մահմուդ Բյամիլը արդեն 1915-1916 թթ.

Հասցրել էր ոչնչացնել ենթակա Հայկական վիայեթների ազգաբնակչու-
թյանը, չնայած մնում էին Հայ շինարարական մի շարք ջոկատներ: Բաղ-
դադի հրկաթուղու շինարարության համար և զինվորական իշխանու-
թյունների խնդրանքով Մեհմեդ Վեհիբը 1916թ. ամռանը հրամայեց Սվա-
զից Բողանդի Աղանայի շրջակայք տեղափոխել 2000 Հայ բանվոր: Նրան-
ցից ոչ մեկը տեղ չհասավ: Պարզվեց, որ նրանք ոչնչացվել էին Կիզիլդերեի
հովտում: Ռազմական դատարանի միջոցով Վեհիբը կախաղան բարձրա-
ցրեց փոխադրման համար պատասխանատու ոստիկանության հրամանա-
տար կապիտան Նուրիին և Հատուկ կազմակերպության ղեկավար Ջերբեգ
Գադիրին (էջ 8): Ավելին, Վեհիբը ռազմական դատարանին հանձնեց Սվա-
զի գեներալ-նահանգապետ Ահմեդ Մուսաբեյին, որը, սակայն, Թալեաթի
կողմից աղատվեց և նշանակվեց Կոնիայի վալի: Պարզվում է, որ Մեհմեդ
Վեհիբը նույնիսկ մտադրություն ուներ դատարանի առջև պատասխանա-
տվություն ենթարկելու բժ. Շաքիրին և բժ. Նազրմին: 1918թ. ռազմական
դատարանին ուղղած իր զեկուցման մեջ Վեհիբը Շաքիրին որակում է որ-
պես մարդ, որը «նշանակեց և անդամակցեց 3-րդ բանակի հրամանատար-
րության շրջանում մարդկային էակների ղահիճներին... Նա կազմակերպեց
ինչպես կախաղաններ, այնպես էլ ժանդարմներ և ոստիկաններ արյունոտ
ձեռքերով և լսեքերով»: Դատարանում Վեհիբը ընդհանրագրեց. «Հայերի
կոտորածը և բնաջնջումը ու նրանց ունեցվածքի կողոպուտը և հավաքու-
կությունը իթթիհադական Կենտրոնական կոմիտեի ընդունած որոշումնե-
րի արդյունքն էր... Վայրագությունները իրականացվեցին համաձայն մի
ծրագրի, որը սահմանվել և ընդգրկել էր կանխամտածվածության հաստա-
տուն ղեկավար» (էջ 9-10):

Վ. Տատրյանը ցեղասպանության կազմակերպումը և ղեկավարու-
մը համարելով հատուկ ուսումնասիրության առարկա այն լուսաբանում է
առանձին ենթագլխի մեջ: Նրա կարծիքով ոչ ցեղասպանության կանխա-
մտածվածությունը և ոչ էլ գա իրականացնելու որոշումը բավարար չեն
այն նյութականացնելու համար: Կարճ ասած անհրաժեշտ են անդուլթ և
անվարան կատալոգներ (ֆունկցիոներներ): Հարցի ուսումնասիրություն-
ների մեջ, ըստ Հեղինակի, պատշաճ չի բացահայտվում իթթիհադական
կուսակցության խաղաղած վճռորոշ դերը: Իթթիհադը իր ծրագրերի իրա-
կանացման համար նշանակեց հետևյալ երեք կուսակցական պաշտոնյանե-
րի՝ 1. պատասխանատու քարտուղարներ, 2. պատվիրակներ, 3. գլխավոր
հսկիչներ: Այս պաշտոնյաների հիմնական գործը նահանգներում վարչա-
կան մարմինների նկատմամբ հսկողության իրականացումն էր: Նրանց
ենթակա էին նույնիսկ գեներալ-նահանգապետները (էջ 10): Լինելով կու-
սակցական աստիճանակարգում միջանկյալ օղակներ և հրահանգավորվե-
լով մայրաքաղաքում գտնվող Կենտրոնական կոմիտեի շտաբ-բնակարա-
նից, նրանք բոլորն էլ իրենց պաշտոններին էին նշանակվել բժախնդրորեն
և որպես կանոն նախկին զինծառայողներ էին: Ճանաչելով կուսակցական
նահանգային այս կամակատարների առանցքային դերը, ռազմական դա-
տարանը նրանցից շատերին դատեց «Պատասխանատու քարտուղարների
դատ» կոչված առանձին դատական շարքով (էջ 11):

Էրզրումում գերմանական փոխհյուպատոս Շոյբներ-Ռիխտերը
1915 թ. իր «գաղտնի» զեկուցման մեջ բացահայտում է իթթիհադականնե-
րի «բնաջնջման քաղաքականության» հանգամանալից մանրամասները:
Պարզվում է, որ այդ տարածքների հիմնական ռազմական ուժերի, այ-
սինքն՝ 3-րդ բանակի, հրամանատար Մահմուդ Քյամիլը համագործակցում
էր այն ամենի հետ, ինչը փոխհյուպատոսը անվանում է «կոմիտե և նրա
միջին ու մշուշապատ մարդիկ», ավելացնելով. «Իմ կարծիքով չկա որևէ
ապացույց, որ Հայերը պատրաստել են ընդհանուր ապստամբություն»,
հակահայկական «միջոցառումները» այլակերպվեցին «վրիժառության,
բնաջնջման և կողոպուտի արշավանքի» (էջ 12):

Հայոց ցեղասպանության մեջ իթթիհադականների խաղացած ամենաառանցքային դերի մասնանշումը թերևս պարունակվում է գերմանական դեսպան Վոլֆ Մեաներնիսի 1916 թ. հունիսի 30-ին արտաքին գործերի նախարարին հղած գեկուցագրի մեջ. «Այլևս ոչ ոք իշխանություն չունի գուպելու վիշապային բազմագլուխ կոմիտեն և ուղեկցող շովինիզմն ու ֆանատիզմը: Կոմիտեն պահանջում է Հայերի վերջին մնացորդների բնաջնջումը, և կառավարությունը պետք է զիջի: Կոմիտեի իշխանությունը չի սահմանափակվում միայն օսմանյան մայրաքաղաքով, որտեղ իթթիհադը կազմակերպված է և գործում է որպես իշխող կուսակցություն: Կոմիտեի իշխանությունը հասնում է բոլոր նահանգներին: Կուսակցության ներկայացուցիչ նշանակված է ցանկացած նահանգային վարչակազմի աշխատակցին կից, վալիից սկսած մինչև կայմակամը օգնության կամ ղեկավարման նպատակով... Թուրքիֆիկացիա նշանակում է սանձարձակություն՝ արտամղելու, սպանելու կամ ոչնչացնելու այն ամենը, ինչ թուրքական չէ և բռնի տիրանալու ուրիշի բարիքներին...» (էջ 13):

Ցանկացած մասսայական սպանության հաջողությունը պայմանավորված է այն ծրագրով, որով առաջնորդվում է նրա հեղինակը: Ոչ կանխամտածվածությունը և ցեղասպանության մտազրույթությունը, ոչ էլ անգամ ցեղասպանության իրականացման մանրագնին կազմակերպումը այն պայմանները չեն, որոնք ցեղասպանության վերջնական հաջողության երաշխիք են: Ըստ Վ.Տատրյանի, կա մեկ կարևոր պայման, որն իր բնույթով վճռորոշ է և ամբողջացնում է ողջ մեխանիզմի տարրերը: Այդ պայմանը ներառում է կադրերի ապահովումը, որոնց առաքելությունը ընթացիկ սպանությունների կազմակերպումն ու ղեկավարումն է: Այս մարդիկ ընտրվում են բծախնգրորեն՝ պայմանավորված իրենց մահասփյուռ բռնության հակումներով, անգթության և գաժանության խառնվածքով (էջ 14): Իթթիհադական կուսակցության ղեկավարներ բժ. Նազրմը և բժ. Շաքիրը երկար մտորումներից հետո հանդեցին մի որոշման, որն աննախադեպ է մարդկության պատմության ողջ ընթացքում: Նրանք որոշեցին բանտերից ազատ արձակել տասնյակ հազարավոր «արյունախոտ ոճրագործների»: Անօրինակ օրինազանցությունը իրավական տեսքի բերելու համար թուրքական պատերազմական նախարարությունը խորհրդարան ուղարկեց զնդապետ Բեհիկ Երգինին, իսկ արդարադատության նախարարությունը՝ ավազ խորհրդական Յուսուֆ Քեմալին: Արանք պետք է համոզեին պատգամավորներին, որ բանտարկյալները ծառայելու են իրենց հայրենիքին: Բայց իրավական փաստաթուղթը խեղաթյուրվեց երկու պատճառով՝ 1. օրենքի ընդունումը կատարյալ խաբեության արդյունք էր. պատճառաբանվում էր, որ բանտարկյալները պետք է ծառայեն կանոնավոր բանակում, և 2. այն օրենքի ուժ ստացավ միայն հակահայկական գործողությունների մեջ վերջիններիս ընդգրկվելուց շատ հետո (էջ 15):

Հատուկ կազմակերպության գործողությունները այն աստիճան դադարի էին պահվում, որ նույնիսկ նախարարները դրանցից անտեղյակ էին: Այն գաղտնի մարմին էր՝ ծրագրավորված հասնելու օսմանյան պետության ներքին և արտաքին անվտանգությանը: Նրա լիազորությունները մասամբ գերազանցում էին կառավարության հնարավորությունները: Արդարադատության նախկին նախարար Իբրահիմի հավաստմամբ Հատուկ կազմակերպության մեջ բանտարկյալների ընդգրկումը ղեկավարում էր բժ. Նազրմը: Վերջինս Հատուկ կազմակերպությունը որակում էր որպես «իր մարդասպանների բանակի» կազմակերպչական հենք: Գործողությունների մեթոդը շատ պարզ էր. այս հրոսակախմբերը տեղակայվում էին հատուկ վայրերում և գոհների Միջագետք հասնելուն պես, հարձակվում ու անողորմաբար մորթում էին բոլորին (էջ 16):

Թուրքական ռազմական դատարանը իր գլխավոր մեղադրական և այլ որոշումների մեջ ճանաչելով այս փաստը, Հատուկ կազմակերպությունը

նր որակեց որպես Հայերի դեմ ուղղված կոտորածների սկզբունքային գործիք, միաժամանակ ընդգծելով Կենտրոնական կոմիտեի որոշիչ դերը այդ գործիքը կռելու մեջ (էջ 17):

Ի մի բերելով իր ուսումնասիրության արդյունքները, Վ. Տատրյանը հանգում է հետևյալ կարևոր եզրակացությունների: Առաջինն այն է, որ Հայոց ցեղասպանության կազմակերպման ամենացայտուն չափանիշը դա միաժամույլ կուսակցության դերն է (էջ 18): Իր եզրակացության մեջ գիտնականը մաթեմատիկական մի բանաձևով առաջարկում է առկա փաստերից բացահայտել Հայոց ցեղասպանության անհայտ դրդապատճառը: Որպես եզակի ուսումնասիրության արժանի հիմնախնդիր, Հայոց ցեղասպանությունը, Վ. Տատրյանի կարծիքով, նշանակալից է հրեական ողջակիզման հետ հարաբերելու տեսանկյունից՝ Հայոց ցեղասպանության առաջնակարգ չափանիշի, այսինքն՝ Հայոց ցեղասպանության կոնցեպցիայի, նրա որոշման, իրականացման և կազմակերպման մեջ միատարր կուսակցության վճռորոշ դերի պարզաբանման համար: Նացիստական կուսակցության խաղաղած դերը բավականաչափ զուգադրելի է իթթիհադականի հետ, ուստի մեկ հայտարարի հանգելը քաղաքական միատարր կուսակցությունների առաջնահերթ ցեղասպան դերի բնութագրի ընդունումը, լիովին տրամաբանական է (էջ 19): Իսկ ավելի ծայրահեղն այն փաստն է, որ կուսակցությունը, տիրանալով պետական մարմիններին, հսկում է վերջիններիս, և պետությունը դառնում է կուսակցության գաղափարական շահերի և նպատակների իրականացման գործիք:

Նացիստական և իթթիհադական կուսակցությունների կազմակերպչական կառուցվածքը այնպիսին էր, որ նրանց ղեկավարները կարող էին անվերապահորեն հենվել միջանկյալ օղակները զբաղեցնող նվիրյալ կամակատարների վրա, որոնց իրավասությունը երբեմն գերազանցում էր բազմաթիվ բարձրաստիճան պաշտոնյաների լիազորությունները: Ազգային անվտանգությունը, ոստիկանությունը և մնացած ողջ համակարգը օգտագործվում էր կուսակցական այս մոլեռանդ և ընտրյալ գաղափարական հետևորդների կողմից: Հսկա մեխանիզմի այս ամբողջությունը կարող էր խժռել իր ճանապարհին գտնվող ամեն ինչ: Ցեղասպանության իրականացման որոշիչ դրդապատճառներից անմասն չէ նաև հնարամտորեն մշակված պարզեատրման համակարգի դերը, որը հանցանք իրականացնելու պատրաստակամությունը բարձրացնում է մի դերաստիճանի: Հոգեբանական այս գործոնը նվազեցրեց ոճրագործների խղճի խայթը և կանխեց մեղքի գզացմունքը (էջ 22): Հետևաբար, պրոֆ. Վ. Տատրյանը գտնում է, որ երկու ցեղասպանությունների վերլուծությունը պետք է կանխապես խարսխել այդ կուսակցությունների ծագման, կառուցվածքի, ղեկավարության, պարզեատրման համակարգի և բացահայտ ու գաղտնի ծրագրերի վրա, որոնք համարվում են երկու ցեղասպանությունների ակնհայտ դրդապատճառները: Ինչպես Հայոց ցեղասպանության, այնպես էլ հրեական ողջակիզման թիրախավորված բնակչությունը մեծապես զոհ դարձավ արդյունք հանդիսանալով այս երկու կուսակցությունների և պետական մարմինների միջև եղած փոխգործողությունը:

Ցավոք, Վ. Տատրյանի աշխատությունը զերծ է ժամանակակից արևմտյան քաղաքագիտության և սոցիոլոգիայի ներգործությամբ պայմանավորված գիտական պատմականության աշխարհայացքային և հայեցակետային շեղումներից: Իր առջև խնդիր դնելով բացահայտելու Հայոց ցեղասպանության գաղափարական և իրավական ակունքների դրդապատճառները, ուսումնասիրության հեղինակը «ակամա» մխրճվելով Հաճախ իրարամերժ թվացող փաստերի լաբիրինթոսում, ջանացել է շեղումներ կամ տատանումներ նշմարել թուրքական պետական քաղաքականության երիտթուրքական կառավարության գործելակերպի և «Իթթիհադի» կարգադրիչ գործունեության միջև: Հայոց ցեղասպանության ամբողջ մեղքը

կամ մեղքի մեծ բաժինը միայն «Իթթիհազին» վերագրելու, կենտրոնական կառավարության և նրա տեղական մարմինների գործունեությունն այդ ուղղությամբ կրավորականակերպ ներկայացնելու կամ գնահատելու փորձերը անհիմն են, քանզի վաղուց պատմագիտության կողմից հիմնավորված է, որ և՛ «Իթթիհազը», և՛ կառավարությունը միակամ ծառայել են Հայոց ցեղասպանության թուրքական պետական քաղաքականությանը. հարկավ, պետական կառավարման բուրգի գագաթին «Իթթիհազն» էր:

«Իթթիհազի» կողմից որոշումների ընդունումը և կառավարության կողմից դրանց անշեղ կամ հրբեմն էլ շեղ գործադրումը հետապնդում էր մի նպատակ ըստ ամենայնի իրագործել Հայոց ցեղասպանության «Իթթիհազից» տակավին չատ առաջ թուրքական պետականության մշակած ծրագիրը: Այս է ճշմարտությունը: Եվ այս ճշմարտությունից ամեն մի շեղում, մեղմ ասած, մոլորություն է:

Վահագն Տատրյանի աշխատությունը շարադրված է փաստագրական նյութի և պատմագիտական վերլուծության հիման վրա: Այս աշխատությամբ նոր լույս է սփռվում Հայոց ցեղասպանության պատմության դրդապատճառների բացահայտման վրա:

ՏԻԳՐԱՆ ՍԱՐՈՒԽԱՆՅԱՆ